

閩部跡小序

今天下內外官得行部通者直  
指瞽學兩使者而已世懋東髮  
宦遊多歷海內名山大川而恆以  
未識閩越奕生荔枝為恨歲  
甲申

詔起為閩瞽學使者以是歲十二  
月入部過武夷山雨中酌先大夫

初而去弗及遊以明年之正月從  
福州出校汀州始迄七月而畢八郡  
既已低首日夕校士而居恆慎儉不  
好市閩物不羅致珍羞餽飭然  
須有揚子雲之儻時一簪筆從輿  
人問及輶車所經見輒記赫蹄上  
久之成裘其言散蔓複雜都無  
銓次竊比杜葛推川盛弘之義  
例云爾倦遊且歸鄉人父老從我  
徵閩事者懶於口授手一編示之  
庶幾人得以遊後有宦遊於土  
者當知予言之非侈萬曆乙酉  
冬十一月損齋道人王世懋書於  
莆之念白齋



閩部疏序


瑯琊次公以晉學之暇疏閩部成  
表一編寄僕吳門曰徃余不嘗序  
足下荆溪疏乎蓋無言不讎請受  
報於子僕文不足當瑯琊公下駟  
其曷敢以爲報然平生交於閩之  
人也夥故稍習閩事閩故多君子  
嫻於辭又多佳山水饒物產海陸

之珍甲天下每恨不能名取宦游  
其間其次客游無舌賈游無裝獨  
游又無濟睎之具聞人言荔子輕  
紅徒有瞪目垂涎安能縮地而南  
日啖三百顆令齟齬皆甘也夫督  
學使者行部坐襜帷中尊嚴如神  
明旛旒蔽天鼓吹震山谷衛尉督  
郵負鞬矢而將迎者千騎遮道填  
擁不得前即有青巖墮馬首鳴瀑  
濺人面閉目俛首莫敢左右視既  
入臺寺歲蕤之鎖扃其扉樹籬插  
棘游徼干楨而課諸生雕蟲之技  
雌黃甲乙有同嚼蠟惟恐一不得  
當仰屋搔首者幾矣何暇褰帷伏  
軾指麾顧盼而談游觀之盛哉次  
公此疏其模寫宛盡叙致曲折思

若凌雲言若霏雪述山川如少文  
之繪壁陳險要如伏波之聚米論  
風土如弘之之纂荊州陳詞賦綜  
名物又如稚川之襍記西京事大  
要其旨簡以穆其才博以總其文  
靡靡以恣蕩使覽之者恍似經點  
淡樸武夷泛九鯉陟七臺往來紅  
蕉綠袖之下聽慈寺了鷓鴣聲左  
手摩丹荔右手拈碧觴啜蠅房咀  
蜂螯與慢亭僊侶相拍浮耳茲其  
文非所謂黼黻人群丹青巖壑者  
耶若夫荆溪叢爾荒邑其視閩部  
曾不比於函谷一丸泥以僕疏若  
序而較次公之撰其相忝亦猶此  
矣丙戌秋日王穉登序



國家圖書館, NATIONAL CENTRAL LIBRARY, TAIWAN, R.O.C.



閩部疏

吳超王世懋敬美著

門人 王湛 同校

馬焱

天下堪輿易辨者莫如福州府登行者三重樓北視諸山羅抱龍從西北稍衍處過行省小山坐其中烏石九僊二山東西峙作雙闕其外托則東山高天蔽虧日月大海在其外是謂鼓山朱元晦所書天風海濤處也西山

迤邐稍卑狀若展旗曰旗山以配鼓其前則  
印山若屏爲南案似人巧湊泊而成者然猶  
未覩水所經宿已登烏石山望則大小二水  
歷歷在目大江從西南蛇行方山下南臺江  
稍近城而行大江復從南稍折而東北南臺  
水合之汪洋瀰漫東下長樂入海其山水  
明秀如此土人猶謂方山稍西俗名五虎迫  
視有猛勢以爲微缺陷處然予謂即東方山  
而平之亦終不能作天子都何者愈顯則根

愈淺也心巧則局愈小

省府之南山曰方山縣互數十餘里形甚怪  
偉俗名五虎山數之正淳志言九龍鼻索之  
又不足

布政司在山上堂後一大樹是榕樟二樹相  
樛結而生鬱然干雲因爲堂以嘉樹顏之余  
與五井俱有詩

福州府布政司前多麓甘泉土人初名曰第  
一泉第二泉每大比五魁多爲泉人所占以



爲泉讖也改顏曰一福井二福井文理殊未  
望然每放榜泉士褒然如故

行省鼓樓高絕云是越王無諸建都處也古  
蹟多在建南諸絕稱越王臺者以數計而馱  
南平之王臺驛最顯驛以此名有越王古墓  
在笈未知是何王身閩王審知兄節度使潮  
墓在興泉間

由福之南門出至南臺江十里而遙民居不  
斷橋跨江中怒石踞立醜舟鱗次亦一勝處

也過此山行數十里間荔枝龍眼夾道交蔭  
丹榴絲蕉蔥韭間之令人應接不暇舟渡西  
峽浩渺洶湧望江勢滔滔赴海擊楫而生壯  
懷

去省城南八十里而近爲靈濟宮卽京師所  
奉二徐真人也本駐兵此地宮亦勅建至  
今禱雨者往焉南十餘里爲大田驛其間有  
流泉水確豐原美植大是沃壤

由石竹山而北至常思嶺三十餘里間皆福

清縣屬特多崇岡壯岳峰骨怒立巒岫皆欲  
飛舞五虎一臺陡懸數十里外皆奇觀也常  
思嶺以南山皆南向跌此嶺北拱遂爲閩縣  
屬水東北流矣二縣所由界也

諸谿合流至水口以東汪洋巨浸大似浙之  
富陽江經芋原西峽益澗流入長樂大海潮  
汐上下二百里何異錢塘江而名稱不盛一  
統志所云南臺江亦此水別支也以南臺一  
鎮辱之令人稱屈

此水北升連江羅源道與福寧州  
多高山大嶺行甚嶮崎連江雖有人才盡  
此境而北移甲寮矣福寧北與永嘉連西  
與連江接源海多魚鹽樵航之利民富而  
知禮觀風督學二使者所不至也  
國中獨荔枝奇絕龍眼名荔枝奴真堪作奴  
耳次則佛手柑橄欖皆中原所無品亞荔枝  
又有山果名黃彈金扣子羊桃皆異產然味  
苦不足登俎

柚大而麤柑橘中較下品也福延間多有之花亦奇大三月間開香氣甚郁余嘗有詩云  
最好南平三月景滿城微雨柚花香

椒攬在羊原上八十里間沿麓樹之蒼鬱可愛茸蔗洲馱多土人雖擔城市貨之煩不登  
蓋

蔗有二種飴蔗節疎而短小食蔗節密而長大凡飴蔗搗之入釜徑煉為赤糖赤糖再煉  
煉而成霜為白糖白糖再煨而凝則曰冰糖

美人蕉福州為多而無蕉實泉漳間始家樹大蕉小曰芽蕉皆能實實後斫而絲之是為  
蕉布其實大都如吳中所生甘露第彼作瓣有露無實此囊生纍纍可乾食耳然味甜無  
韻故不如美人蕉花可供翫蕉花馱盛余解中以盛冬發一紅瓣上抽綠苗三四月間齊  
放簇若朱蓮經月不敗大是佳卉  
閩地最少楊柳福州城中士大夫園池邊間有一兩株作長條拂地不能拱把

閩地最饒花獨杏花絕產亦一異也

陶方伯嘗言閩中海錯定虛得名耳余坵問  
何以曰蚌不四明蛤不揚州蠃不三吳余大  
以爲然蚌大而種故不雀蛤乃車螯非蛤  
蚶也蟹之別種曰蚌蝓吾地名黃甲此名海  
蟬特多此種而蠃乃爲異狀不中食此又一  
種非真蟹也馱興化數里河中有蠃形味俱  
似吳中而土人不之重豈日厭海錯不能別  
味耶

海錯出東四記者以西施舌爲第一蠣房次  
之西施舌本名卓蛤以美見謚出長樂灣中  
閩俗重歲晉民間不開正戶慶節後即相率  
拜墓挂紙錢一如清明迎春日多陳百戲盛  
亭臺之飾坐嬰兒高檠上兒皆慣習飲噉自  
若了無怖懼千夫百騎繞堂皇而出唱呼跳  
舞勞以曆書惡少輩多舞獫狁求索尤甚卽  
潘臬長無奈之何士女傳觀填街塞巷自茲  
春事日盛尤重元宵十三日始放燈數步一

立表一表輒數燈家聯戶綴燦若貫珠如是者至下弦猶不肯撤有司禁之縉紳先生不平見顏色是月也一郡之民皆若狂

端午節尤重競渡所過山溪數家之市皆懸舟以待往往毆擊至殺人成獄禁稍弛復競其俗成不能革也

興化古莆中景物亦大佳第國狹而貧耳江口渺漫漁舟宿步始見海氣東北多良田廣陂畝直三十金其陽皆山也二十里抵瀨溪

道旁多古木穹碑皆先朝大臣彭惠安墓賜葬之所令人肅然興仰止意

興化背太平山而城以壺公爲案兩山皆峭拔木蘭陂出壺公下登城北山望東南大海浮空檣帆皆見

從興化西門行可八十里至九鯉湖其地非獸以夢靈著異也飛泉九疊下匯爲湖浸浸欲過蘇門百泉豈以壞境故爲仙靈所託耶福清縣石竹山亦有九仙靈蹟其山亦宏麗

在宏路驛大道傍土人祈夢者以繩往九里湖以春往石竹山石竹山是九僊離宮爲行春治所耶

仙遊縣在楓亭西五十里非祈夢九鯉湖者不入縣

楓亭驛荔枝甲天下瀾山被野樹極婆娑可愛亡論丹實纍纍驛甚宏壯中庭六株荔子色皆參天

荔枝以興化府楓亭驛爲最長樂縣次之柑橘以漳州府爲最福州次之

荔枝名以狀元香爲最然實不如長樂勝面肉厚而味甘當爲種中第一第乾之不能如狀元香風味

閩地頗畜蠱其神或作小蛇毒人有不能殺者獨泉之惠安最多八十里間北不能過楓亭南不敢度洛陽橋云蔡端明爲泉州日捕殺治蠱者幾盡其妖至今畏之以橋有端明祠而楓亭僊遊屬端明即僊遊人也土人之

莊事端明如此

自惠安以南山漸培嶺以到海脉竊也而特  
多巨石林立碁累多不可名狀或卧或起恆  
若位置嘉木蔭之居然園林間景

洛陽橋一名萬安大江中五里石梁虹卧水  
上蔡端明真神人也近南岨一山皆大石倭  
亂時城其上而樓之扁鑰甚固倭不能過洛  
陽之南晉江虎渡二橋亦稱鉅麗

吳中雖盛有石梁若令見萬安橋必吐舌亦  
由閩溪中篙師不知吳楚間有萬石樓船也  
泉州城大於福北負洛陽江南面晉江倚泉  
山而城堪輿家謂爲三台山八卦水故多搢  
紳去城東北五里一荒山纍纍諸墳本漏澤  
也而名曰官山以泉人發科第者其祖父多  
塋其上下利後人遂令逝者體勢如厲

泉州城大而土曠士大夫皆散處余以六月  
行部人家多依原隰爲園林肩輿過其下嘉  
瓜四垂朱槿熠燿綠袖扶搖於短垣之內丹

荔點綴於碧葉之上真令人目不暇給  
泉之南北奇石尤多有名紗帽者有名馬頭  
者有名鼓者有名青蛇者有名蝦蟆者都如  
巨靈斧擘五丁負置四十里外一石龜聳坐  
磐石上宛若斲成遂以名郵

昔聞長老言廣人種綿花高六七尺有四五  
年不易者余初未之信過泉州至同安龍溪  
間扶搖道傍狀若榛荆迫而視之卽綿花也  
時方清稊老幹已着瘦黃花矣然不可呼爲

木棉木棉花者高樹丹花若茶吐實蓬蓬吳  
中所謂攀枝花也楊用脩具載丹鉛以爲異  
曰雲南靈州有之聞嶺廣尤多不知惠安  
志已載此樹名爲攀桂花楊乃曰班枝花與  
吳中攀枝花蓋三名一物也花品不當縣花  
僅堪絮褥耳

漳州羅萬戶良在元末守漳有功爲陳友定  
所殺其名甚著而一統志不載今載郡志余  
往來見巨石道旁皆鑿羅萬戶重生父母其



爲漳人愛戴如此入泉境兩巨石亦有鐫書  
一曰攀轅石一曰臥轍石意字俱不雅問知  
是俞總兵大猷駐兵處其門下人侈而書之  
然俞亦近時名將也

漳州氣候最煖艸木皆先時華余以四月抵  
麗解中盛有所植盤釘間頗不乏味崇蘭桂  
子茉莉蒼筍一時竝開荔子蕉黃舊橘新李  
同案而薦紫茄帶於陳根王瓜枯爲靡草誠  
寰中之異境也

下山勢皆如龍翔鳳舞水從雲中下墮百千  
丈輿逐之行琤鏘灌木間彌下彌濶是謂建  
溪源矣蓋以一水分爲二山以二山分爲二  
省人從空中作地界何必堪輿家始稱奇也  
一統志以東溪爲建溪大非且云合武夷諸  
水更誤東溪從浙之處州來何與武夷古人  
所詠建溪險者即西溪也今建陽有建溪驛  
可證

建寧西南坳有山口鐵獅從溪南渡歷數招

提始至其山左分爲赤芝右分爲雲際寺曰  
開元閣曰丹青雲際之上有泉曰陸羽泉之  
右折而上浮圖巋焉登山北望建寧城長虹  
跨水萬家鱗集建溪流其下作雷霆聲蓋亦  
粵壤也

建寧行都司是元陳平章有定開府極宏麗  
初以鼓樓爲門今移入二百步許猶朗朗可  
觀後園有竹樹池沼臺亭之勝細泉溝流溢  
爲方沼其源直從處州龍泉來抵此始入溪

園多大樟皆十許人合抱一樹中空可容五  
六人坐槎枒下垂儼如巖洞不知爲樹也

朱元晦先生祠在建寧城東北甚敞麗以  
上命稱闕里其裔孫五經博士家焉青衿時  
有二十許人合建陽之族可得四百許人

建延之間有宋游定夫楊中立羅仲素李愿  
中朱元晦諸賢及胡康侯劉勉之蔡元定父  
子兄弟祠屋墳墓本名海濱鄒魯以此若乃  
化比文翁文似相如常丞相之爲名宦歐陽

博士之爲鄉先生閩東又首善地也

建寧平政橋跨大溪遠望若不停近視始見  
蓋施柱高甚上覆視卑橋下石林立險甚輿  
過其上轟轟恒若霆擊不辨人聲隆慶初溪  
漲橋崩復建爲費鉅萬

建溪之險黯淡灘稱絕去延平五里而遙舟  
行者多登陸避之余性狎水凌晨直下灘苦  
無紆曲非長年所畏第水高數尺舟似建瓴  
波濤奔湧珠絲迸濺人衣亦一奇觀也灘之

上有神宇豈宋人疏鑿時所建耶

閩中諸郡邑大都依兩溪合處爲勝如延平  
府府之順昌建寧府府之建陽皆然建寧府  
治在東西大溪經城西而南東溪從東北來  
經南門而西會西溪直下建陽縣治在西大  
溪環其東而交溪考亭溪諸水西來流經南  
門而東會東溪直下大都如梓人尺左右用  
之耳皆會合有面勢順昌雖合流一從正東  
一從東北會於城之西南似少縈抱故不如

二建

自邵武之建陽非孔道也然所過六十里間是閩西最佳麗地原隰夷衍竹樹田疇豐美饒裕囂落相望烟火不絕夾溪面衡人家時有數百於時二月將盡躑躅始放梨花未殘海棠金爵盡以樊圃山花野卉多不可名真令人應接不暇

自邵武至順昌溪人皆名爲樵水其實非也水名大溪從充澤以西來甚遠樵水出邵武樵山下細流貫城中入大溪耳一統志又云紫雲溪今誌亦不載

將樂溪從邵武建寧縣來東流至順昌合邵武水又東合沙縣水經延平府城西又東合建溪而南下爲劍津舊傳化劍處也將樂溪甚大城南三華橋長與建寧平政橋埒溪不名故一統志失之第云孔子山突出溪中不知竟是何水沙縣水源從汀之寧化縣經清流城下逶迤至永安沙縣始出與順昌水合

水迅灘惡爲閩中第一險處一統志所云沙源是也

邵武山多作石壁下映澄江然苦無竒瓌之觀

上四郡大都山郡路皆逐溪行溪中無石子而皆巉巖大石險惡百態故其地有怒舟而無怒馬舟多三板薄裝延津而下才有官舟紆行矛戟間有觸立碎而長年狎習終不令敗每當急灘一瀉目不及瞬亦一快事也

閩西諸郡大都兩山壁立中行一水亡間巨川細流中皆悍灘怒石撞擊澎湃其傍隙地壅爲畝千塍百圩僅如盤盂行登頓山麓忽開瞥見曠土漫川柳塘桃塢便似游子還鄉

福延之間建溪之陰爲尤溪口入可四十里有山童如鋼鐵出焉其陽有民居十餘戶舟人云山氓鑿得鐵即渡水北鐵乃可爐經宿不遷鐵不可煨余始不然再問知果爾政自

難解

閩中水碓最多然多以木櫃運輸不駛急溪中壅激爲之則佳順昌人作昏家有水碓至造舟急灘中夾以雙輪如飛舂聲在舟余戲謂此洞庭賊揚么故製耶

山田薄無糞農家燒山茅候雨至流入田中爲糞以故入春則山山皆火舟中夜望山燒爲奇陸行遇燒山皆童而黑殊乏景趣

閩中大都氣暖春花皆先時放方二月下旬已見躑躅每肩輿行山徑中喬松灌木互相掩映綠波外揚丹堦內聳鷓鴣啼畫眉弄舌殊不知巾車爲苦

西三郡水皆朝宗於福自長樂入海獨汀水南行入於潮陽水名從丁南位也故七郡齟政統於福轉運而汀獨食廣鹽

汀州地大而交於旁省山川之勝多於建延自長汀以南上杭以東險惡多瘴聞裴太僕云其屬邑永定與漳之龍巖接境處有洞奇

甚意此類尚多沒蠻落中不知耳

歸化故無縣成化間割郡之寧化清流與延之將樂沙為縣至今生聚寥落然境內雅多竒觀余所遊有獅子巖滴水巖而滴水巖為最勝見余賦中其東接將樂則玉華洞出焉西抵清流則玉華西洞巋然道左蓋其地實靈巧所鍾也

玉華石出將樂然不產玉華洞中近益艱得滴水巖大勝宜與善權洞所不如者善權下有水洞耳玉華洞石色不如宜興張公洞而迤邐可七八里中小洞幽巖無慮數十滴水成井溢井成河粵畝各適無張公徧反之苦故為勝之

汀隄小巖可遊者曰霹靂巖朝斗巖蒼玉峽是宗子相徐子與故宦遊處題詠頗多朝斗巖差遠而幽餘皆近城

汀人多種李二月時田園碎白滿野時聞紅桃繽紛可喜入延境絕不見李而特多梨花

尤壯雅殊令人寄情閩中梨稱建陽爲佳產  
故當不作蒸食

余始入建安見山麓間多種茶而稍高大枝  
幹槎枒不類吳中產問之知爲茶油非蔡君  
謨貢品也已歷汀延邵愈益彌被山谷高者  
可一二丈大者可拱把餘以冬華以春實榨  
其實爲油可鎰可膏可釜閩人大都用之然  
獨汀之連城爲第一閩之人能別其品

自崇安周八郡驛路三千餘里而遙路皆甃  
石獨漳泉間稍因剗土耳一望盤紆脩潔可  
鏡擔夫行子屨迹不沾尺土爲工亦鉅矣若  
吳之白公堤杭之蘇公堤以兩公橫得名耳  
以數計之蓋萬尋方寸也

閩山之鉅麗者武夷九鯉湖而外邵武之七  
臺山漳浦之梁山福清之黃蘗山皆名山也  
余行部所不至殊以爲恨

閩地陸行惡無若漳之汀水行惡無若永安  
之沙縣余皆幸舟車不及



建地皆山也而多泉不甚虞旱建溪兩輸福人賴之泉漳間山薄無泉海近易洩故其地喜雨而惡旱田中多置井立石如表轆水而灌亦云艱矣每遇天旱開府以下惕惕憂恐蓋漳民饑則易動也然民皆航潮米而食不專恃本土

凡福之紬絲漳之紗絹泉之藍福延之鐵福漳之橘福興之荔枝泉漳之糖順昌之紙無日不走分水嶺及浦城小關下吳越如流水

其航大海而去者尤不可計皆衣被天下所仰給它省獨湖絲耳紅不逮京口閩人貨湖絲者往往染翠紅而歸織之

閩山所產松杉而外有竹茶烏臼之饒竹可紙茶可油烏臼可燭也福州而南藍甲天下海鎔飴錫實稱利筦

延平多桂亦能作瘴福南四郡桂皆四季花而反盛於冬凡桂四季者有子唐詩所云桂子月中落此真桂也江南桂八九月盛開無

子此木樺也

延福以南有竹藪生涉冬抽萌慈竹類也而長刺雲大者拱把吳越慈竹迥出其下

粉竹春絲爲佳紙料者美於江東白苧

建邵之間人帶豫章音長汀以南雜虔嶺之聲自福至泉駛舌彌甚南盡漳海不啻異域矣然閩西諸郡人皆食山自足爲舉子業不求甚工漳窮海徼其人以業文爲不貲以鮑海爲恒產故文則揚葩而吐藻幾埒三吳武

也  
輕生而健鬪雄於東南夷無事不令人畏

漳人既業文尤多習射民間僞童每大以歲都蠅集省下覬所謂大續遺才者不得復留以就武試又材官多能操觚伸紙作經生語故榜出五十人大半是漳人也

福州以南橋皆不亭但以巨石壓之雖重不殺亭亦由水性不卞也不然洛陽晉江詎能施南北二虹

閩中橋梁甲天下雖山坳細澗皆以巨石梁  
之上施榱棟都極壯麗初謂山間木石易辦  
已乃知非得已蓋閩水怒而善崩故以數十  
重重木壓之中多設神佛像香火甚嚴亦厭  
鎮意也然無如泉州萬安橋蔡端明名幾與  
此橋不朽矣

地氣莫暖於東南若福南四郡地居東南偏  
飛霜所不灑故生荔枝水口離郡城稍西北  
僅兩程許荔枝絕種矣余以盛冬入福州芭

蕉葉無凋者廨中美人蕉纈紅鮮甚外出過  
延平已入春而蕉葉始放乃知二百里外蕉  
無冬葉矣然吳中蕉三月始抽萌視延津尚  
遲兩月

閩之南有木焉非檜非栢厥名水杉非竹非  
稷厥名桄榔皆美植也

榕賤木也材不中噐爨不生焰至福州始多  
故以名城然至漳泉間更多而鉅扶踈旁出  
根如流蘇下垂着幹即抱負爲一輪困連拳

好作恠狀其根盤地峻嶒蚪卧恒畝許多根  
故易茂而難拔不才故寡伐而長壽其自處  
暗與道合者居民植之以當堪輿之屏翳行  
子賴之以爲憇息之嘉麻豈所謂無用之用  
耶

斷腸草一枝三葉葉大如萋食之輒歿山谷  
中在在有之民間鬪不能勝服之令妻子扶  
而之怨家死焉其妻子利之亦不甚禁也怨  
家富而畏事厚償之去不者亦服以抵償官  
息其事爲下令服草死者不給埋錢第令致  
斷腸草十斤於官而焚之計久而銷然不能  
盡除也解此毒者首以蜜灌之已復灌羊血  
吐出可不死

鳥之異者曰白鷓鴣八郡皆有之白鷓最  
有文彩土人不能馴每以釘鉅筵間鷓鴣斑  
而善啼可籠畜味美閩人爲之語曰山食鷓  
鷓鵲海食馬鮫鮠若白鷓鴣五色鷓鴣秦吉  
了倒挂諸異禽皆舶海外而來偶一有之非

其產也

黑羊皮能療杖創京師艱得獨閩中盛產黑羊白者曠見耳八郡獸汀不產羊每遇祭祀貴價從它郡貨之其鮫餘輿隸皆棄而不食生不知有此味也

蠣房雖介屬附石乃生得海潮而活凡海濱無石山溪無潮處皆不生余過莆迎仙寨橋時潮方落兒童羣下皆就石間剔取肉去殼連石不可動或留之仍能生其生半與石俱

在在無之間殆非蛤蚌比也後漢書蝮魚註云鮫無鱗有殼一面附石細孔雜雜或七或九即以狀蠣房何所不可南蠣北鮫故是造化介生別構

瀕海諸郡以鮫皮代杓歲省銅千餘斤以蠣房代灰真石灰乃以配萋葉檳榔啖瓊若食品

鮫之爲物介而中坼厥血蔚藍熟之純白尾銳而長觸之能刺斷而置地其行郭索雌常

負雄觸筍而逝或得其雄雌亦就斃

由莆城東門而出此走海道也竟三十里間  
壺公挺其鉅麗萬玉標其餘秀黃石窮其曼  
衍塘下一鎮冠蓋所居陂水環迴如玦如帶  
真天下勝區也弘正之間才甲於八郡實  
鍾斯美嘉靖末城破於倭黃石巨家煨燼砂  
礫迄今未能盡復士多糊口四方人才從此  
衰焉二十年後休養生息當還舊觀矣從黃  
石東行六十里而遙爲平海衛從南行六十  
里而遙爲吉寧巡檢司皆負海而城平海正  
當大洋東南二面了無障蔽登城東望日下  
黯黯一點青爲烏坵倭夷所經行處也天清  
時小琉球亦隱隱可見云海風日夜吼山爲  
震動樹皆西靡殊令人難久居吉寧多山戰  
艦可舶民居稍稠南日寨以收汛時託焉余  
行海上按視城壘殿最將士皆畱信宿頗稱  
偉觀

莆人於海味最重鱈魚及寄生鱈魚即浙之

望潮也形雖不雅而味美於烏賊寄生最奇  
海上枯蠟殼存者寄生其中戴之而行形味  
似蝦細視之有四足兩螯又似蟹類得之者  
不煩剔取曳之即出以肉不附也炒食之味  
亦脆美天地間何所不有

莆田青山海濱產小白石狀似杏仁而擘兩  
瓣腹有文如虫向無知其異者兵人守青山  
於沙石中拾之歸試貯之醃碟中兩石離立  
相對須臾能自動兩相迎合名之曰雌雄石

亦曰相思曾得四瓣試之果爾惟醃則行易  
它物則否竟不解所以志所不載也

海中蜉有冬春間生者蚌蝸類也而色瑪瑙  
斗殼作猱獍斑斕盡似帟頭土人名之曰虎  
蜉余以配龍蝦爲的對也

蘭以建名而福興四髀尤盛民家無大小皆  
傳種之然絕不生山間不知種所自來大都  
以玉鮑爲最四季開者爲球又賽蘭蔓生樹  
蘭木本生其香皆與蘭埒

興化城中有水從西來滙而堰之立石紀小  
西湖三字字適而有韻太守岳季方筆也岳  
以閣臣出守故能破文灑行已意然亦被謗  
書彭惠安郡人也力明其無它僅得致仕  
山果中有枝葉略似鳳尾蕉者曰山龍眼結  
實纍纍視龍眼小而味酸山僧取以供佛  
天下山躑躅莫盛於象章餘干安仁境內紅  
有濃淡二色閩中不逮也然此地紅躑躅未  
盛開時有一種紫者先開多在泉石邊亦其  
麗豫章所無也紅殘後豫章復開一種黃者  
亦此地所間有  
滇茶不寶珠而色鮮好嬌於寶珠茶其大如  
盃瓣有重臺交覆可當芍藥莆人林大輅中  
丞宦彼帶一株歸今傳種家有之開時千朵  
艷發綠葉掩映大是佳卉  
按余記閩部而跋詳於莆以分守所駐地也  
故以終焉





國家圖書館, NATIONAL CENTRAL LIBRARY, TAIWAN, R.O.C.

國音

三六